

玉

海

玉海卷第七十八

浚儀王應麟伯厚

車服

車服制度

周車服制度 周宮室車服制

周書序車服制度明不苟踰作器服周道於焉大備
器服解第七十 文多殘缺 食器甒參笙一竽皆素

桃枝素獨蒲簟席皆素斧巾元纁綬編冠素紕元冠
組武卷組纓象琪纁璜絺紳帶象珖 云云 布獨巾元

象元純 周禮大司徒十二教其九曰以度教節則

民知足注度謂宮室車服之制疏謂若典命云上公九命國家宮室車旗衣服禮儀及侯伯子男以下各依命數是其制度也 小宗伯掌衣服車旗宮室之賞

賜

其制見大行人

典命掌諸侯五儀諸臣五等之命上公九命

爲伯國家宮室車旗衣服禮儀皆以九爲節侯伯七命其國家宮室車旗衣服禮儀皆以七爲節子男五命其國家宮室車旗衣服禮儀皆以五爲節王之三公八命其卿六命大夫四命國家宮室車旗衣服禮儀亦如之公之孤四命其卿三命大夫再命士一命侯伯卿大夫士如之子男之卿再命大夫一命其士不命各祗其命之

數注國家謂城公城方九里宮方九百步侯伯城七里宮七百步子男城五里宮五百步巾車服車五乘孤乘夏篆卿乘夏縵大夫墨車士棧車庶人役車司服公之服自衮冕而下如王之服侯伯服自鷩冕下如公子男自毳冕下如侯伯孤自希冕下如子男卿大夫自玄冕下如孤士之服自皮弁下如大夫大行人上公冕服九章建常九旂樊纓九就貳車九乘侯伯冕服七章建常七旂樊纓七就貳車七乘子男冕服五章建常五旂樊纓五就貳車五乘司約治噐之約注謂禮樂車服所得用

書彞典車服

以庸

又益稷注以功大小為差

覲禮

天子賜侯氏以車服注賜

車者同姓金路異姓象路服則袞鷩毳周官五服車旗宮室之禁則小宗伯辨之衣服宮室車旗禁令則家宗人掌之宮室衣服禮儀則典命掌之

周車服 周五等車服

月令注凡此車馬衣服皆所取於殷時而有變焉非周制也周禮朝祀戎獵車服各以其事不以四時為異疏虞夏之制有日月星辰十二章之服周之制朝祀戎獵車服各有殊今此下與周禮不同上與虞夏又異故云取殷時殷乘木路此乘鸞路不純用殷鷩

而有變焉謂變殷而乘虞路也周禮朝則皮弁服祀則六冕服戎則韋弁服田獵冠弁服朝乘象路祀乘玉戎乘革獵乘木路不以四時爲異也郊特牲正

義周武王尚文物車服之屬而得民心周人尚輿是也宋志周制五等車服相漢公降王者一等而已

選注尚書大傳曰未命爲士車不得有飛鈴又曰不得朱軒鄭元曰如今憲車漢書先王車服之制各

有差品小不得僭大賤不得踰貴故上下序民志定

詩都人士正義書傳云故者必有命民得乘飾車

駢馬衣文錦

周禮疏案唐傳云古之帝王必有命民於其君得命然後得乘飾車駢馬衣文

仲尼車服禮器 魯孔氏車

孔子世家太史公曰適魯觀仲尼廟堂車服禮器余
世家曰所居堂後世因廟藏孔子衣冠

低回不能去

琴車書

東平王傳章帝建初三年賜蒼及琅邪王

京書今魯國孔氏尚有仲尼車輿冠履明德盛者光
靈遠也注孔子廟在魯曲阜城中伍緝之從西征記
曰魯人藏孔子所乘車廟中是顏路所請者 地理

志漢晉春秋鍾離意相魯治孔子廟同觀輿服在焉

意別傳曰意省堂有孔子小車乘皆朽敗意治之及
護几杖劍履後得甕中素書曰護吾履鍾離意又見

前儒林傳魯諸儒持孔氏之禮器往歸陳王

漢長吏車服令

景紀中六年五月詔曰吏者民之師也車駕衣服宜稱吏六百石以上皆長吏也或不吏服出入閭里與民無異令長吏二千石車朱兩轡千石至六百石車朱左轡取騎從者不稱其官衣服下吏出入閭巷無吏體者二千石上其官屬三轡舉不如法令者皆上丞相御史請之

先是吏多軍力車服尚輕故爲設禁時未有三轡紀誤

鮑宣

傳哀帝初遷豫州牧司直郭欽奏宣行部乘傳去法駕駕一馬舍宿鄉亭爲象所非宣坐免

陳遵傳遵

爲河南太守司直陳崇劾遵乘藩車入門巷差汗印

鞞

西漢之俗樂易有餘節廉不足觀陳遵之事至季世俗尚未改也

後方術傳謝

夷吾行春乘柴車從兩吏兗州刺史上其儀序失中

有損國典

班固叙傳

注國家不設車旗衣服之

禁

後漢志

注謝承書曰州別駕從事車前舊有屏

星如刺史車曲轡儀式刺史欲去別駕車屏星孔恂

諫曰毀國舊儀卽投傳去

漢天漢輿服制

通典武帝天漢四年始定輿服之制郊祀所乘謂之

大駕車千乘騎萬匹其儀甚盛

續輿服志秦并天

下攬其輿服上選以供御次以錫百官景帝中元五年始詔六百石施車轆得銅五末軛有吉陽箚中二千石以上右駢三百石以上皐布蓋千石以上皐繒覆蓋二百石以上白布蓋皆有四維杠衣賈人不得乘馬車除吏赤畫杠餘皆青云注古今注曰武帝天漢四年令諸侯王大國朱輪特虎居前左兕右麋小國朱輪畫特熊居前寢麋居左右又見甘泉園

晉輿服志

云云

齊輿服志

漢武天漢四年制書

甘泉宮定輿服制班于天下

成紀永始四年六月

甲午詔曰聖王明禮制以序尊卑異車服以章有德

今公卿列侯親屬近臣車服過制其申敕有司以漸
禁之青綠民所常服且勿止列侯近臣各自省改
平紀元始三年夏奏車服制度西域傳龜茲王樂
漢衣服制度歸其國治宮室作微道周衛出入傳呼撞
鉦鼓如漢家儀

漢永平車服制度 車服科品

帝紀明帝永平二年春正月辛未宗祀光武皇帝於
明堂帝及公卿列侯始服冠冕衣裳玉佩綯屨以行
不耕游食者衆有司其申明科禁宜於今者宣下

國

高紀八年春三月令爵非公乘以上毋得冠劉氏冠賈人毋得衣錦繡綺縠絺紵罽罽操兵乘騎馬注乘駕

車也

章帝建初二年三月辛丑詔曰貴戚近親奢縱無

度今自三公並宜明糾非法其科條制度所宜施行在

事者備爲之禁先京師而後諸夏安帝永初元年九

月庚午詔三公申明舊令禁奢侈多無作浮巧之物元初

五年七月丙子詔曰舊令制度各有科品欲令百姓務

崇節約而小人嫁娶送禮紛華靡麗至有走卒奴婢被

綺縠著珠璣且復重申以觀後效

永元初何敞諫濟南王康曰興馬臺隸應

爲科品

威帝永興二年二月癸卯詔曰其興服制度有

踰侈長飾者宜皆損省郡縣務存儉約申明舊令如永

平故事

東平王傳中興三十餘年、四方無虞、蒼以天

下化平、宜修禮樂、乃與公卿共議定南北郊冠冕車服

制度

東觀書、永平二年正月、公卿議春南北郊、蒼議曰、

明德后紀

外親美車

服不執法度者、絕屬籍、廣平鉅鹿樂成王車騎朴素、賜錢各五百萬、中外從化、被服如一、
續志諸車之文、乘

輿倚龍、伏虎、櫨文、畫輶、皇太子諸王倚虎、伏鹿、輶、古陽
甬、朱班輪、鹿文、飛鈴、九旂、降龍、公列侯倚鹿、伏熊、黑輶
朱班輪、鹿文、飛鈴、九旂、降龍、卿朱兩轡、五旂、降龍、二千
石以下各從科品、公列侯以下皆單緣襪、制文繡爲祭
服、皇后以下皆不得服諸古麗圭、褰、閨、緣加上之服、建

武末平禁絕之建初末元又復申重於是世莫有能

制其裁者乃遂絕矣

志所載乘輿至小使車其目十有八冕冠至鶚冠其目十有九

續佩至后夫人服其目十有三餘見冕服類

續志注蔡邕表志曰永平

初詔書下車服制度中宮皇太子親服重繒厚練浣

已復御率下以儉諸侯王以下至於士庶嫁娶被服

各有科品當傳萬世揚光聖德臣以爲宜集舊事儀

注本奏以成志也

袁宏漢紀漢初文學既缺輿服

旗幟一承秦制永平二年正月天子依周官禮記制

度冠冕衣裳珮玉乘輿擬古式矣

徐廣車服注曰

漢明帝案古禮備其服章天子郊廟衣皐上絳下前

三幅後四幅衣畫而裳繡

漢車服儀

宋禮志漢初崇簡不存改作車服之儀多因秦舊至明帝修復先典司馬彪輿服志詳之矣魏代雖作指南車晉立服制令辨定衆儀徐廣車服注畧明事目並行於今 **晉志**漢明帝云云天子車乘冠服從歐陽氏說公卿以下從大小夏侯氏說

漢輿服志 晉車服儀注

劉昭曰司馬續書八卷車服卽依董蔡 **唐志**儀注

類董巴大漢輿服志一卷隋志云魏博士徐廣車服雜注一

卷

南史晉義熙初宋武帝使廣撰車服儀注

周遷古今輿服雜事十卷

志

梁周遷

蕭子雲古今輿服雜事二十卷

此數家皆旁記別錄

後魏禮志太學博士王延業議案周禮王后有五輅

又漢輿服志云太皇太后皇太后皆御金根車阮謐

禮圖并載奏漢以來輿服亦云金根輅皇后法駕乘

之以禮婚見廟乘輅后法駕乘之以親桑安車后小

駕乘之以初祭山輅車后行則乘之紺罽輅車后小

行則乘之入閣輿后出入閣宮中小遊則乘之晉先

蠶儀注皇后乘雲母安車駕六驪案周秦漢晉車輿

儀式互見圖書名號小異畧相依擬南齊志蔡邕

創立此志馬彪勒成漢典

蔡邕首著車服志司馬彪
續成之史官頗續此作

宋禮志引徐廣車服注

選東京賦注引漢雜事

徐廣車服志

春秋正義引徐廣車服儀制曰漢明

帝復制轂又引董巴志司馬彪志

隋禮儀志蔡邕

獨斷論漢制度又引董巴志謂爲瑞山車董巴所述

全明漢制又引徐氏輿服注曰通天冠高九寸黑介

幘金博山案徐氏雜注曰古者貴賤皆執笏有事則

書之故常簪筆

前五行志行步有佩玉之度登車

有和鸞之節田狩有三驅之制飲食有享獻之禮

唐車輿衣服令

車服云度